



Uunga siunnersuut: Aningaasarsianit akileraarutit pillugit Inatsisartut inatsisaata allanngortinneqarnera pillugu Inatsisartut inatsisaat nr. xx, xx. Xxx 2016-imeersoq. (Soraarnerussutisiaqarnissamut aningaaserivinni aaqqissuussinerit, kinguaariinnut tullernut nikisitsinermi aningaasanut killiliussamik qaffaaneq)

(Aningaasaqarnermut Aatsitassanullu Naalakkersuisoq

(Siullermeenera)

Demokraatini nuannaarutigaarput Naalakkersuisut soraarnerussutisiaqalernissamut aaqqissuussinerit pillugit ajornartorsiutit iluarsiivigeqqullugit soraarnerussutisiaqalernissamut aningaasaateqarfiit qinnutaannut tusaasimmata aamma uani siunnersuummi ilanngutissagaat soraarnerussutisiaqalernissamut aaqqissuussinerit akornanni unammilleqatigiinnermut tunngavik taamaasilluni iluarsartuussinerup siunissamilu iluarsartuussisarumaarnissat akornanni ikaarsaariarneq iluarsineqaqqullugu.

Tamanna tunngavigalugu aamma qilanaaraarput ataavartumik aaqqiinissap oqallisigeqqinneqarnissaa aamma taamaasilluta Naalakkersuisut aamma kaammattussavagut - suliap ingerlanneqarneranut partiit suleqataaginnarnissaat isumannaqqullugu kiisalu soraarnerussutisiaqalernissamut aaqqissuussineri suleqataasut malitseqartitsilluni ataatsimeeqatigineqassasut taamaasilluni qularnaarlugu siunissami eqaatsumik inatsisiliortoqarnissaa.

Siunnersuut aamma aatsaaginnaq inimi maani oqaluuserisatsinnut immikkoortoq 19-mut attuumassuteqartutut isigineqassaaq, taamaattumik nammineersinnaalluni, akisussaassuseqarluni isumaqarluartumillu utoqqalinissap qularnaarnissaanut siunnersuut pissusissamisoortumik ilaasutut isigaarput kiisalu soraarnerussutisiaqalernissamut ileqqaartut tamarmik pisinnaatitaaffiisa qularnaarnissaannut.



Immikkut kinguaariit nikinneranni aaqqissuussisarnerup allanngortinnera akuersaarparput ukiorpassuarni naleqqussarnissaa pisariaqarsimammat.

Inatsisissamut siunnersuutip siunertaraa siusinaarlutik pensionisiaqalersimasortatta, ineqarnermut tapiissutinik pisartut aamma utoqqalinersiallit paarinissaat, immikkoortumi iluarsartuussinernit taakku pisariaqanngitsumik eqqorneqarlunneqaqqunagit.

Nuannersutut isigaarput ernummatigut tusarnaarneqarsimammata taamaattumik aamma isumaqarpugut siunissami soraarnerussutisiaqalersarneq pisimasunik soqtiginnilluta tamakkiisunillu isiginnilluta isummersortarumaartugut. Tamanna pillugu qujanaq.

Taamatut oqaaseqarluta Demokraatini siunnersuut ilalerparput. Siunnersuut suliareqqitassanngorlugu Aningaasaqarnermut Akileraartarnermullu Ataatsimiititaliamut innersuupparput.